

南方草木狀總目

卷上

草類

甘蔗

耶悉茗

未利

豆蔻花

山薑花

鶴草

甘藷

水蓮

水蕉

蒟醬

菖蒲

留求子

諸蔗

草麴

芒茅

肥馬草

冬葉

蒲葵

乞力伽

蘋桐

水葱

蕪菁

苾附

茄

綽菜

薤

冶葛

吉利草

良耀草

蕙

卷中

木類

楓人

楓香

薰陸香

榕

益智子

桂

朱槿

指甲花

蜜香

沉香

鷄骨香

黃熟香

棧香

青桂香

馬蹄香

鷄舌香

桃柳

訶梨勒

蘇枋

水松

刺桐

棹

杉

荆

紫藤

榼藤

蜜香紙

抱香履

卷下

果類

檳榔

荔枝

柳

楊梅

橘

柑

橄欖

龍眼

海棗

千歲子

五斂子

鉤緣子

海梧子

菴摩勒

石栗

人面子

竹類

雲丘竹

億筍竹

石林竹

思摩竹

簞竹

越王竹

目錄終



國家圖書館, NATIONAL CENTRAL LIBRARY, TAIWAN, R.O.C.

南方草木狀卷上

晉 譙國嵇含著 徐仁毓閱

南越交趾植物有四裔最爲奇周秦以前無稱焉  
自漢武帝開拓封疆搜來珍異取其尤者充貢中  
州之人或昧其狀乃以所聞詮叙有禪子第云爾  
草類

甘蔗

甘蔗望之如樹珠大者一圍餘葉長一丈或七八尺  
廣尺餘二尺許花大如酒杯形色如芙蓉著莖末百

餘子大名爲房相連累甜美亦可密藏根如芋魁大者如車轂實隨華每華一闔各有六子先後相次子不俱生花不俱落一名芭蕉或曰巴苴剝其子上皮色黃白味似蒲萄甜而脆亦療饑此有三種子大如拇指長而銳有類羊角名羊角蕉味最甘好一種子大如鷄卵有類牛乳名牛乳蕉微減羊角一種大如藕子長六七寸形正方少甘最下也其莖解散如絲以灰練之可紡績爲締絡謂之蕉葛雖脆而好黃白不如葛赤色也交廣俱有之三輔黃圖曰漢武帝元

鼎六年破南越建扶荔宮以植所得奇草異木有甘蕉二本

### 耶悉茗

耶悉茗花末利花皆胡人自西國移植於南海南人憐其芳香競值之陸賈南越行紀曰南越之境五穀無味百花不香此二花特芳香者緣自別國移至不隨水土而變與夫橘北爲枳異矣彼之女子以綵絲穿花心以爲首飾

### 末利

未利花似薔靡之白者香愈於耶悉茗

### 豆蔻花

豆蔻花其苗如蘆其葉似薑其花作穗嫩葉卷之而生花微紅穗頭深色葉漸舒花漸出舊說此花食之破氣消痰進酒增倍泰康二年交州貢一筐上試之有驗以賜近臣

### 山薑花

山薑花莖葉卽薑也根不堪食於葉間吐花作穗如麥粒軟紅色煎服之治冷氣甚效出九真交趾

### 鶴草

鶴草蔓生其花麴塵色淺紫蒂葉如柳而短嘗憂圃花形如飛鶴背翅尾足無所不備出南海云是媚草上有蟲老蛻爲蝶赤黃色女子藏之謂之媚蝶能致其夫憐愛

### 甘藷

甘藷蓋薯蕷之類或曰芋之類根葉亦如芋實如拳有大如甌者皮紫而肉白蒸鬻食之味如薯蕷性不甚冷舊珠嶼之地海中之人皆不業耕稼惟掘地種

日儲秋熟收之蒸煦切如米粒倉圖貯之以充糧糗  
是名儲糧北方人至者或盛具牛豕膾炙而未以甘  
齏薦之若粳粟然大抵南人二毛者百無一二惟海  
中之人壽百餘歲者由不食五穀而食甘儲故爾

### 水蓮

花之美者有水蓮如蓮而莖紫柔而無刺

### 水蕉

水蕉如鹿葱或紫或黃吳永安中孫休嘗遣使取三  
花終不可致但圖畫以進

### 蒟醬

蒟醬葦茛也生於蕃國者大而紫謂之葦茛生於峇  
禺者小而青謂之蒟焉可以謂食故謂之醬焉交趾  
九真人家多踵蔓生

### 菖蒲

菖蒲菴禺東有澗澗中生菖蒲皆一寸九節安期生  
採服僊去但留玉鳥焉

### 留求子

留求子形如槌子稜瓣深而兩頭尖似訶梨勒而徑



及半黃已熟中有肉白色甘如棗核大治嬰孺之疾  
南海交趾俱有之

諸蔗

諸蔗一曰甘蔗交趾所生者圍數寸長丈餘頗似竹  
斷而食之甚甘竿取其汁曝數日成飴入口消釋彼  
人謂之石蜜吳孫亮使黃門以銀椀并蓋就中藏吏  
取交州所獻甘蔗飴黃門先恨藏吏以鼠屎投飴中  
啟言吏不謹亮呼吏持飴器入問曰此器旣蓋之且  
有油覆無緣於此黃門將有恨汝吏叩頭曰嘗從臣

求莞席臣以席有數不敢與亮曰必是此問之具服  
南人云甘蔗可消酒又名干蔗司馬相如樂歌曰六  
尊蔗漿折朝醒是其義也泰康六年扶南國貢諸蔗  
一丈三節

草薺

草薺南海多矣酒不用麴蘖但杵米粉雜以衆草葉  
治葛汁滌漉之大如卵置蓬蒿中蔭蔽之經月而成  
用此合糯爲酒故劇飲之旣醒猶頭熱泔泔以其有  
毒草故也南人有女數歲卽大釀酒旣漉候冬陂池

竭時寘酒罌中密固其上瘞陂中至春澗水滿亦不復發矣女將嫁乃發陂取酒以供賀客謂之女酒其味絕美

芒茅

芒茅枯時瘴疫大作交廣皆爾也土人呼曰黃茅瘴又曰黃芒瘴

肥馬草

南方冬無積藁瀕海郡邑多馬有草葉類梧桐而厚取以秣馬謂之肥馬草馬頗嗜而食果肥壯矣

冬葉

冬葉舊葉也苞莖物交廣皆用之南方地熱物易腐敗惟冬葉藏之乃可持久

蒲葵

蒲葵如柝櫚而柔薄可爲葵笠出龍川

乞力伽

藥有乞力伽木也瀕海所產一根有至數斤者剝涓子取以作煎令可丸餅之長生

蘋桐

頽桐花嶺南處處有自初夏生至秋葢草也葢如桐  
其花連枝萼皆深紅之極者俗呼貞桐花貞皆訛也  
水葱  
水葱花葉皆如鹿葱花色有紅黃紫三種出始與婦  
人懷妊佩其花生男者卽此花非鹿葱也交廣人佩  
之極有驗然其土多男不厭女子故不常佩也

蕪菁

蕪菁嶺嶠已南俱無之偶有士人因官攜種就彼種  
之山地則爲芥亦橘種江北爲枳之義也至曲江  
方有菘彼人謂之菘菘

茄

茄樹交廣草木經冬不衰故蔬圃之中種茄宿根有  
三五年者漸長枝幹乃成大樹每夏秋盛熟則梯樹  
採之五年後樹老子稀卽伐去之別栽嫩者

綽菜

綽菜夏生於池沼間葉類茨菰根如藕條南海人食  
之云令人思睡呼爲膜菜

薤

蕪葉如落葵而小性冷味甘南人編葦爲筏作小孔  
浮於水上種子於水中則如萍根浮水面及長莖葉  
皆出於葦筏孔子隨水上下南方之奇蔬也冷葛有  
大毒以蕪汁滴其苗當時萎死世傳魏武能噉冷葛  
至一尺云先食此菜

冷葛

冷葛毒草也蔓生葉如羅勒光而厚一名胡曼草真  
毒者多雜以生蔬進之悟者速以藥解不爾半日輒  
死山羊食其苗卽肥而大亦如鼠食巴豆其大如狹  
蓋物類有相伏也

吉利草

吉利草其莖如金銀股形類石斛根類芍藥交廣俚  
俗多蓄蠱毒惟此草解之極驗吳黃武中江夏李侯  
以罪徙合浦初入境遇毒其奴吉利者偶得是草與  
侯服遂解吉利卽遁去不知所之侯因此濟人不知  
其藪遂以吉利爲名豈李侯者徒非其罪或侯自有  
隱德神明啟吉利者救之耶

良耀草

良耀草枝葉如麻黃秋結子如小粟煨食之解毒功  
不亞於吉利始者有得是藥者梁氏之子耀亦以爲  
言梁轉爲良爾花白似牛李出高涼

蕙

蕙草一名薰草葉如麻兩兩相對氣如薜蘿可以止  
癘出南海

凡草木之華者春華者冬秀夏華者春秀秋華者  
夏秀冬華者秋秀其華竟歲故婦女之首四時未  
嘗無華也

卷上終

南方草木狀卷中

木類

楓人

楓人五嶺之間多楓木歲久則生瘤瘿一夕遇暴雷驟雨其樹贅暗長三五尺謂之楓人越巫取之作術有通神之驗取之不以法則能化去

楓香

楓香樹似白楊葉圓而歧分有脂而香其子大如鴨卵二月華發乃著實八九月熟曝乾可燒惟九真郡

有之

薰陸香

薰陸香出大秦在海邊有大樹枝葉正如古松生於沙甲盛夏樹膠流出沙上方採

榕

榕樹南海桂林多植之葉如木麻實如冬青樹幹拳曲是不可以爲器也其本稜理而深是不可以爲材也燒之無焰是不可以爲薪也以其不材故能以而無傷其陰十畝故人以爲息焉而又枝條旣繁葉又

茂細軟條如藤垂下漸漸及地藤稍入地便生根節或一大株有根四五處而橫枝及鄰樹卽連理南人以爲常不謂之瑞木

益智子

益智子如筆毫長七八分二月花色若蓮著實五六月熟味辛雜五味中芬芳亦可鹽曝出交趾合浦建安八年交州刺史張津嘗以益智子粽餉魏武帝

桂

桂出合浦生必以高山之巔冬夏常青其類自爲林

間無雜樹交趾置桂園桂有三種葉如栢葉皮赤者爲丹桂葉似柿葉者爲茵桂其葉似枇杷葉者爲牡桂三輔黃圖曰甘泉宮南有昆明池池中有靈波殿以桂爲柱風來自香

### 朱槿

朱槿花莖葉皆如桑葉光而厚樹高止四五尺而枝葉婆娑自二月開花至中冬卽歇其花深紅色五出大如蜀葵有藥一條長於花葉上綴金屑日光所燦疑若焰生一叢之上日開數百朵朝開暮落插枝卽

活出高涼郡一名赤槿一名日及

### 指甲花

指甲花其樹高五六尺枝條柔弱葉如嫩榆與耶悉茗末利花皆雪白而香不相上下亦胡人自大秦國移植于南海而此花極繁細纒如半米粒許彼人多折置襟袖間蓋資其芬馥爾一名散沫花

密香 沉香 鷄骨香 黃熟香 鷄舌香

棧香 青桂香 馬蹄香

案此八物同出於一樹也交趾有蜜香樹幹似拒柳



其花白而繁其葉如橘欲取香伐之經年其根幹枝節各有別色也木心與節堅黑沉水者爲沉香與水面平者爲鷄骨香其根爲黃熟香其幹爲棧香細枝緊實赤爛者爲青桂香其根節輕而大者爲馬蹄香其花不香成實乃香爲鷄舌香珍異之木也

桄榔

桄榔樹似柘櫚實其皮可作纜得水則柔韌胡人以此聯木爲舟皮中有屑如麩多者至數斛食之與常麩無異木性如竹紫黑已有文理工人解之以製夾

杵出九真交趾

訶梨勒

訶梨勒樹似木欖花白子形如橄欖六路皮肉相着可作飲變白鬚髮令黑出九真

蘇枋

蘇枋樹類槐花黑子出九真南人以染絳漬以大庾之水則色愈深

水松

水松葉如檜而細長出南海土產衆香而此木不大

香故彼人無佩服者嶺北人極愛之然其香殊勝在南方時植物無情者也不香於彼而香於此豈屈於不知已而伸於知己者歟物理之難窮如此

### 刺桐

刺桐其木爲材三月三時布葉繁密後有花赤色間生葉間旁照他物皆朱殷然三五房凋則三五復發如是者竟歲九真有之

### 棹

棹樹幹葉俱似椿以其葉鬻汁漬果呼爲棹汁若以棹汁雜羶肉食者卽時爲雷震死棹出高涼郡

### 杉

杉一名披黏合浦東二百里有杉一樹漢安帝永初五年春葉落隨風飄入洛陽城其葉大常杉數十倍術士廉盛曰合浦東杉葉也此休徵當出王者帝遣使驗之信然乃以千人伐樹役夫多死者其後三百人坐斷株上食過足相容至今猶存

### 荆

荆寧浦有三種金荆可作枕紫荆堪作牀白荆堪作

履與他處牡荊蔓荊全異又彼境有社荊指病自愈節不相當者月暈時刻之與病人身齊等置牀下雖危困亦愈

### 紫藤

紫藤葉細長莖如竹根極堅實重重有皮花白子黑置酒中歷二三十年亦不腐敗其莖截置煙灸中經時成紫香可以降神

### 楹藤

楹藤依樹蔓生如通草藤也其子紫黑色一名象豆

三年方熟其殼貯藥歷年不壞生南海解諸藥毒

### 蜜香紙

蜜香紙以蜜香樹皮葉作之微褐色有紋如魚子極香而堅韌水漬之不潰爛秦康五年大秦獻三萬幅常以萬幅賜鎮南大將軍當陽侯杜預令寫所撰春秋釋例及經傳集解以進未至而預卒詔賜其家令藏之

### 抱香履

抱香履抱木生於水松之旁若寄生然極柔弱不勝

刀鋸乘濕時剗而爲履易如削瓜旣乾而鞞不可理也履雖猥大而輕者若通脫木風至則隨飄而動夏月納之可禦蒸濕之氣出扶南大秦諸國泰康六年扶南貢百雙帝深歎異然哂其制作之陋但置諸外府以備方物而已按東方朔瓊語曰木履起於晉文公時介之推逃祿自隱抱樹而死公撫木哀歎遂以爲履每懷從亡之功輒俯視其履曰悲乎足下足下之稱亦自此始也

卷中終

南方草木狀卷下

果類

檳榔

檳榔樹高十餘丈皮似青銅節如桂竹丁本不大上  
枝不小調直亭亭千萬若一森秀無柯端頂有葉葉  
似甘蔗條派開破仰望眇眇如插叢蕉於竹抄風至  
獨動似舉羽扇之掃天葉下繫數房房綴數十實實  
大如桃李天生棘重累其下所以禦衛其實也味苦  
澁剖其皮鬲其膚熟如貫之堅如乾棗以扶留藤古

賁灰并食則滑美下氣消穀出林邑彼人以爲貴婚  
族客必先進若邂逅不設用相嫌恨一名賓門藥餞

### 荔枝

荔枝樹高五六丈餘如桂樹綠葉蓬蓬冬夏榮茂青  
華朱實實大如鷄子核黃黑似熟蓮實白如肪甘而  
多汁似安石榴有甜酢者至日將中翕然俱赤則可  
食也一樹下子百斛三輔黃圖曰漢武帝元鼎六年  
破南越建扶荔富扶荔者以荔枝得名也自交趾移  
植百株於庭無一生者連年移植不息後數歲偶一  
株稍茂然終無華實帝亦珍惜之一旦忽萎死守吏  
坐誅死者數十遂不復茂矣其實則歲貢焉郵傳者  
疲弊於道極爲生民之患

### 椰

椰樹葉如柝欄高六七丈無枝條其實大如寒瓜外  
有麤皮次有殼圓而且堅剖之有白膚厚半寸味似  
胡桃而極肥美有漿飲之得醉俗謂之越王頭云昔  
林邑王與越王有故怨遣俠客刺得其首懸之于樹  
俄化爲椰子林邑王憤之命剖以爲飲器南人至今

效之當刺時越王大醉故其漿猶如酒云

### 楊梅

楊梅其子如彈丸正赤五月中熟熟時似梅其味甜酸陸賈南越行紀曰羅浮山頂有胡楊梅山桃繞其際海人時登採拾止得於上飽噉不得持下東方朔林邑記曰林邑山楊梅其大如搯枕青時極酸既紅味如崖蜜以醞酒號梅香耐非貴人重客不得飲之

### 橘

橘白華赤實皮馨香有美味自漢武帝交趾有橘官

長一人秩二百石主貢御橘吳黃武中交趾太守上燮獻橘十七實同一蒂以爲瑞異郡臣畢賀

### 柑

柑乃橘之屬滋味甘美特異者也有黃者有頰者頰者謂之壺柑交趾人以席囊貯蟻鬻於市者其窠如薄絮囊皆連枝葉蟻在其中并窠而賣蟻赤黃色大於常蟻南方柑樹若無此蟻則其實皆爲群蠹所傷無復一完者矣今華林園有柑二株遇結實上命群臣宴飲于旁摘而分賜焉

檄欖

檄欖樹身聳枝皆高數丈其子深秋方熟味雖苦澁咀之芬馥勝含鷄骨香吳時歲貢以賜近侍本朝自泰康後亦如之

龍眼

龍眼樹如荔枝但枝葉稍小殼青黃色形圓如彈丸核如木梔子而不堅肉白而帶漿其甘如蜜一朶五六十顆作穗如葡萄然荔枝過卽龍眼熟故謂之荔枝如言常隨其後也東坡漢記曰單于來朝賜橙橘龍眼荔枝魏文帝詔群臣曰南方果之珍異者有龍眼荔枝令歲貢焉出九真交趾

海棗

海棗樹身無閑枝直聳三四十丈樹頂四面共生十餘枝葉如柝欄五年一實實甚大如杯盃核兩頭不尖雙卷而圓其味極甘美安邑御棗無以加也秦康五年林邑獻百枚昔李少君謂漢武帝曰臣嘗遊海上見安期生食臣棗大如瓜非誕說也

干歲子



干歲子有藤蔓出土子在根下鬚綠色交加如織其子一苞恒二百餘顆皮殼青黃色殼中有肉如栗味亦如之乾者殼肉相離撼之有聲似肉豆蔻出交趾

### 五斂子

五斂子大如木瓜黃色皮肉脆軟味極酸上有五稜如刻出南人呼稜爲斂故以爲名以蜜漬之甘酢而美出南海

### 鉤緣子

鉤緣子形如瓜皮似橙而金色胡人重之極芬香肉甚厚白如蘆菔女工競雕鏤花鳥漬以蜂蜜點燕檀巧麗妙絕無與爲比秦康五年太秦貢十年帝以三金賜王愷助其珍味夸示於石崇

### 海梧子

海梧子樹與中國松同但結實絕大形如小栗三角肥甘香味亦樽俎間佳果也出林邑

### 菴摩勒

菴摩勒樹葉細似合昏花黃實似李青黃色核圓作六七稜食之先苦後甘術士以變白鬚髮有驗出九

真

石栗

石栗樹與栗同但生於山石罅間花開三年方結實其殼厚而肉少其味似胡桃人熟時或爲群鸚鵡至啄食略盡故彼人矧珍貴之出日南

人面子

人面子樹似含桃結子如桃實無味其核正如人面故以爲名以蜜漬之稍可食以其核可玩於席間飢餓禦客出南海

竹類

雲丘竹

雲丘竹一節爲船出扶南然今交廣有竹節長二丈其圍一二丈者徃徃有之

篋笏竹

篋笏竹皮薄而空多大者徑不過二寸皮麤澁以篋犀象利勝於鐵出大秦

石林竹

石林竹似桂竹勁而利削爲切割象皮如刀竿出九

真交趾

思摩竹

思摩竹如竹大而筍生其節筍既成竹春而筍復生節焉交廣所在有之

簞竹

簞竹葉疎而大一節相去五六尺出九真彼人取嫩者槌浸紡績爲布謂之竹疎布

越王竹

越王竹根生石上若細荻高尺餘南海有之南人愛其青色用爲酒籌云越王棄餘筭而竹生

卷下終

卷下終

卷下

七



國家圖書館, NATIONAL CENTRAL LIBRARY, TAIWAN, R.O.C.

